



Sabtu, 13 Maret 2021
Ogen: Kolose 3:5-11



Naluken Sura-Sura Daging



Jaman gundari akrab kal kita ras istilah pelakor, selingkuh ras cerai. Anak-anak bas kesain e pe ibas riah-riahna la iangkana nggo iendekenna enden-enden si langa pantas ibelaskenna pe. Bageme cedana gundari erkiteken biak-biak doni siipebelin. Rasul Paulus ngatakenca taluken sura-sura daging. Engkai maka bage? Sebab geluhta enggo sikerajangen Kristus. Labo ertina lanai siukuri sama sekali guna urusan kula, sebab kita enda nggeluh denga i doni enda. Tapi lebih kubas pengertin nadingken erbage-bage ajaren, tradisi ras aturen-aturen simabai manusia nadingken Kristus. Sebab ugape hebatna pemete manusia talu dengan nge rimbangken pemete Tuhan, la terjului kuasa Tuhan.

Paulus pe nuruh kalak Kolose mpemate biak-biak daging. Mpemate desken sada ring-ring bas kula manusia si susut jenari bene fungsina. Ertina bahanlah sura-sura daging e mate bas pengertin lanai encedai. Kai-kai saja siman matenken sura-sura daging eme erlua-lua, lagu la mehuli, peraten daging ras sidebanna. Sebab kerina dosa enda silakoken encedai kai siidarat kita, kecuali dosa erlua-lua ras percabulen. Sebab erlua-lua, selingkuh, perbahanen si nggesuh kita nge sicedaina ras kulanta si nggo ersada ras Kristus. Lanai ngenca kita encurnaken gelar Tuhan, tapi alu ngikutken sura-sura daging e nggo si cedai kehadiren Tuhan bas dirinta, siakibatna banci erbahansa kesah Sibadia e lanai ras kita.

Geluhta lanai bo sikerajagenta jine, tapi enggo Kristus ibas kita mari sijaga alu mehuli ras ertanggungjawab. Sitadingken si jahat si lakoken si mehuli, enda me siiarapken Tuhan ibas tep-tep kegeluhen kalak si erkiniteken man BaNa. Tuduhkanlah kualitas Kristus ibas kegeluhenta subuk ibas pendahin, pengerana, perbahanenta tandana kita enggo iselamatkan Kristus.